

TARIKH	3 / 9 / 2012	SEKSYEN	Nasional
MUKA SURAT	1/14	RUANGAN	Malay



### 14 Jemaah haji diingat jangan berdemo

Sultan Sharafuddin berkenan bertanya khabar bakal haji selepas menyampaikan titah penyempurnaan Majlis Penutupan Kursus Perdana Haji Musim Haji Tahun 1433H/2012M Peringkat Negeri Selangor yang dihadiri 4,500 bakal haji di Masjid Negeri, semalam.

## Jemaah diingat tidak berdemo

RUWAIDA MD ZAIN

**SHAH ALAM** – Sultan Selangor, Sultan Sharafuddin Idris Shah tidak berkenan rakyat Selangor yang mewajahkan haji atau umrah di tanah suci mengadakan demonstrasi kerana ia boleh menjelaskan nama baik negara serta hubungan baik Malaysia dengan Kerajaan Arab Saudi.

Titah baginda, bakal haji yang akan ke Makkah dan Madinah hendaklah menurunkan niat untuk beribadat kepada ALLAH SWT dan bukan tujuan lain.

Baginda juga menyeru agar bakal haji sentiasa mengingati ALLAH serta banyak bersabar dengan dugaan yang dihadapi bagi menyempurnakan ibadat di sana.

“Beta ingin menasihatkan supaya bakal haji dapat menjaga nama baik Selangor dan Malaysia yang telah dikenali dalam kalangan pemimpin negera Arab sebagai jemaah haji yang berdisiplin dan terbaik.

“Ikutilah segala peraturan dan undang-undang ditetapkan keraja-

an Arab Saudi di musim haji supaya segala urusan dapat dipermudahkan dan berjalan lancar,” titah baginda pada Majlis Penutupan Kursus Perdana Haji Musim Haji Tahun 1433H/2012M Peringkat Negeri Selangor yang dihadiri 4500 bakal haji itu di Masjid Negeri di sini semalam.

Sultan Sharafuddin juga menasihatkan bakal haji agar mengambil berat aspek penjagaan kesihatan ketika masih di tanah air sehingga lar berpanjang berada di tanah suci.

Titah baginda, bakal haji perlu segera berjumpa pegawai perubatan di klinik yang disediakan Tabung Haji sekiranya mengalami masalah kesihatan sewaktu di tanah suci.

“Tabung Haji menyediakan kemudahan perubatan dengan menghantar pakar, pegawai dan anggota perubatan serta ubat-ubatan untuk membantu jemaah haji dalam penjagaan kesihatan. Ini kerana kesihatan yang baik sangat penting untuk menjamin pelaksanaan ibadah yang sem-

purna,” titah baginda.

Hadir mengiringi baginda di majlis itu, Menteri Besar, Tan Sri Abdul Khalid Ibrahim; Pengarah Urusan Kumpulan dan Ketua Pegawai Eksekutif Lembaga Tabung Haji, Datuk Paduka Ismee Ismail; serta Setiausaha Kerajaan Negeri (SUK), Datuk Mohamed Khusrin Munawi.

Turut sama, Mufti Selangor, Datuk Mohd Tamyes Abdul Wahid; Pengerusi Majlis Agama Islam Selangor (Mais), Datuk Mohd Adzib Mohd Isa serta Pengarah Jabatan Agama Islam Selangor (Jais), Datuk Marzuki Husin.

Baginda turut berkenan mengurniakan cenderamata kepada wakil bakal haji serta 12 bakal haji kurniaan dari tajaan bagi tahun 1433H/2012M.

Seramai tiga bakal haji menerima kurniaan baginda, enam bakal haji tajaan Tabung Dato'-Dato' Diraja dan Kerabat Diraja Selangor dan tiga bakal haji menerima tajaan Mais.